



大專校院學生組
臺灣客家語 詩佳作

嫁 (海陸腔)

係一隻奇妙，
毋知哪下仔，
你，飛入兩個人个生命中間；
也盡遽，
你，開始來到這花刺必駁个人世間。

試著還記得，
你，正還無好大仔定定，
偃，牽著你細細枝个手骨；
一瞞目，
該晡日，
你，講愛去地球村尋隔壁鄰舍奈，
認識像虹恁靚个世界。

細孬仔，你大咧，
腳踏彩雲，擘開翼胛，
闊闊个天空，由在你去飛；
細人仔，大了後，
總係愛，志在四方；

毋管你幾時轉，
偃當你係一隻紙鷓仔。

紙鷓仔，一線牽，
飛上飛下，圓圈圈；
圈著好緣份，牽著好福氣，
圓圓圈圈，順順序序；
毋管你係細佬仔，
也係細妹仔，
偃知
，
該
，
總概
，
安到
，
嫁
。

創作理念

生命係一首靚靚个詩仔，像滿天星斗个銀河；生命係愛有自由个，儕儕更係會想愛有好个空間，做得去飛个。自古以來，做爺衰个人，總係希望子女大了後，有好个發展；毋過，係講細人仔正實出去闖天下以後，又往往會有一種分掉忒个愁慮。奉勸世間人，凡事平常心，幸福一念間。毋管佬仔也係妹仔，畜大，總愛賣；嫁嫁出去，盡好啊！係無，一旦，留下來做老姑婆，你斯毋會愁？嫁，嫁出去了後，你斯毋好忒牽掛掛！

吳秀媛

國立高雄師範大學客家文化研究所

